




# 't Sjtiekkelverke.



## Prins Colin I

Ich bin d'r Colin (Gerats) en ich bin d'r sjtolze nuije prins van V.V. de Geete.

Vuël luu kenne mich natuurlik maar toch zal ich get uuver michzelf vertelle. Ich bin geboare op 4 maart 1999, ich bin dus 25 joar oad. 6 weake noa mien geboorte hant miene opa en pap d'r vuur gezurgd dat ich lid woëd van de Geete. Dit betekent dat ich dus och al 25 joar lid bin. Ich bin interieurbouwer van beroep, dit höb ich gelierd op 't Belsj. Ich wirk bie van Leth interieurbouw BV in Sittard mit veul plezeer.

In mien vrije tied bin ich natuurlijk bie de Geete, maar och bie de Meijongens Grunstroat. Inne aangere hobby van mich is sjpiele mit licht en geluid vuur o.a. d'r Aram.

Ich kom oet ing echte Geete familie: mam, opa, oma, uuverovergroëtopa en oma en zoë kin ich nog waal effe durchgoa. Ich bin och d'r koetsier van de Koetsche Grüskes, dit han ich van miene opa uuvergenoame.

Ich woën mit hiël veul plezeer in de Grunstroat saame mit mieng vrundin, 't Jolijn. Ich bin in seizoen 2009-2010 geproclameerd tot jeugdprins van de Geete en han dit maage viere in 2010-2011. Dit woar vuur mich al ing geweldige tied en woos dat och al zieker dat ich groeëte prins woal weere. Dit is inne dreum dea oetgekoame is. Ich bin hartsjtikke blij dat ich prins maag zieë en ich weet zieker dat miene opa sjtolz op mich let vanaaf boave.

Ver gont d'r ee geweldig sjun seizoen va maake.

*'t Sjtiekkelverke veult zich onger de Geete in de Grunstroat heem, mar sjtuët doabeij och wal ins geer ing kieër onger d'r bokserieem.*



*Mit mie glaas in de loch,  
krien ich va vasteloavend gee genog.  
Dus mit gooie mood,  
zaan ich: alles kump good.*

## Jeugdprins Sem 1

Leef luu oet de sjtröat wat is 't inne ieër um mich vuur te sjtelle als üche klinge prins. Toen ich eenmaal aan 't prinsensjap gepreufd houw woos ich t zieker, ich bin kloar vuur 't richtige wirk! Ich wool net zoë wie miene groete neaf der Mitch heerser van al kling Geete zie. Mit ing tekening en inge breek onger der erm han ich mich beij de Blauw Sjuut d'r Rody aan d'r jas getrokke. Wie sjiek wöar 't dan och dat ich ing paar weake later hoeg bezoek kroog van ut prinsen comité.

Ich han mieng rol direct serieus genoame en han gezwiege wie 't graaf, vanaf dat moment woed heem alling nog mer plat gekalt en han ich vaak de luu één leugentje um bestwil opgekneupt. Ich han dan och al get 'neuij sjoele' bezocht in die tied.

Samen mit miene adjudant d'r Herman zint vier al ing aantal kier op special missie gewea. Doa woa normaal de mam mich 't vutje noa driegt zurgt der Herman noe dat ich d'r good op ston en dat mich nieks te kot kumpt. Ich goan d'r van oet dat 't neuije standbeeld van de Geete zieker van der Herman gemakt weud want dea maan is good wead.

Noa moanden zwiege woar 't dan eindelijk zoewiet samen mit Colin hant vier hinge de bühn de minuten en seconden zitte aftelle... Non de juu die tied leek waal sjtill te stoa. Da kunt dat moment dat vier in der Geetesjtaal mochte goa stoa en ich wie inne Johnny Rambo mit ing confettie kanon noa vuure mocht sjpringen. Ich geleuf ich han de oma vüre aan de bühn 't gebit oet gesjoäte. Mer wat woar dat moment sjiek!

Vier hant al verschillende middigen en oavende gehad, woabeij ich ging polonaise üvergeslagen han, ich al get wietsen han verteld mit get Meijongens, d'r gezonge woed op de bühn en d'r inge richtige viltjesreage ontsjtong. Zelfs d'r road van elf han ich al zoë gek um mit inne diekke doem op de foto te goa. Yes miene missie geslaagd!

Mer 't sjieke kunt nog want vier hant gelukkig nog veule middigen en oavende samen woabeij ich samen mit Prins Colin I, ut Jolijn, d'r Herman, de mannen van de road van elf, de dansmarietjes, de Grüskes en de Sjpasskapel samen d'r ing bijzondere tied van maage maken. En net zoë wie de ieërste oavenden zal ich och dan werm d'r tempel sleëte. Want zoë wie mie motto luidt: Mit veul sjpass en plezeer, vieren vier samen op ing unieke Geete maneer ALAAF!



*Kaate besjtelle dont vrouwluu  
op 't letste moment  
Woadurch ozze secretaris zich  
de bee onger g'n vot oet rent*



## Woad van de redaksie

Mit veul plezeer wille vier, als redaksie van ut Sjtiekilverke, uch kinnis loate maake mit d'r 73e joargank. In dizze oetgave vingt gier wer van allerhange kroam. D'r inne kier bringt dat sjtomme kal mit zich mit en d'r angere kier sjtunt ut tot noadinke. D'r vuurzitter lut mit sjjunne oetsjproake van zich huure en natuurluk sjpreëke ooch ozze prinse d'r leëzer vol energie en plezeer tou.

De joarlukse bijdrage van d'r Wim Pelzer waarschjuwt os vuur verborge kuule en d'r Herbert Damoiseaux ontdekt op zien Bargoensje manneer ee krüts.

De Koetsche Grüskes hant ee opsjporingsberich loate oetgoa en weade genumd in ee artikel uuver 't personeelstekort in os land.

Cv de Kejlbolscher dunt ut wer en zette de Grunsjtroat op d'r kop. D'r Joep Weijers kiekt vuuroet noa ee fes bei de fanfaar, terwijl os prinse mit inne knipoog noa 't LVK van 2026 kieke. De sjponsors weëde bedankt vuur d'r groëte sjteun dea vier wer mochte kriege.

In ut uüverzich van de jubilarisse kint gier zië dat d'r luuj zint die ut al gans langvolhoade bei de Geete. D'r Herman maag natuurluk neet ontbreëke en de prinsemamma's geëve inne indruk van hun sjtolse geveulens. Dat deed d'r jeugdprinsepap trouwens ooch.

D'r Bert Kouwenberg kriet sjpesjaale aandacht, want aa hem woëde de orde van verdeenste oetgeriekt. De sjtiekelparade deet ziene naam wer ier aa en leefhubbers van deere-parabels koome besjlist aan hun trekke.

De redaksie wunjt uch veul leësplezeer en ee geweldig seizoen toe. Geneet mit volle teuge en volle glaazer, maar past op dat gier zelf neet vol weëde. 😊

## Ouders Jeugdprins

Woa ing kling ströat groet in ken zieë! Get met tradities in de Grünstroat, wea kent ze nit? Och doa huurt de carnaval beij want wens se carnaval wils vieren hoofse in gikkers geval nit wiet te goa! Inne middig of oavend beij de Geete steet ummer garant vuur veul sjpass en plezeer.

Der daag wie der jong op heem a komp mit de mededeling ich wil geer jeugdprins weëde beij de Geete, zal os ummer als ouwesj beij blieve. Een geveul van trots en inne gunfactor überheerst wens se der jong mit inne brief in de weer zies goa um ziene dreum te verwezelikke. En da kries se gangs onverwachts een telefoontje van d'r Rody. Hiel ff hant vier os aafgevörögd of er misschien get mit ut hoes of ing verziekering woar echter voöl de mam al sjnel ut kwartje. 4 april koampe ze der klinge verrassen. Op van de nerven zoat der jong tegenüver ut prinsen comité, mer al snel zakte de nerven en begoet hea te stroalen van oer bis oer.

De monden van sjtiekeme aafsprake en vuurbereidingen vloage vuurbeij maar die letste twee weake duurde ing eeuwigheid. Als ouwesj bedinks se dich tiendoezend senario's wie 't allenuij zou goa, mer wat vier vuural gelierd hant is op die kotte tied: lot 't los en lot um goa. Een tied woabeij hea in een werm bad terecht is gekoame, hea maag gruije en opleuije en hea van gikker moment maag genieten. Samen mit d'r Prins Colin I, ziene adjudant en de mannen van der elveroad zal nog d'r neudige sjtomme kaal en flauwe zeeke weude oetgehöld mer juus dat zal um zie ganze leave beij blieve.

Vrundschaften weude vuur ut leave gesjmeed en hea liert mit oad en jonk d'r een fest van te bouwen. Eegenlik guns se dizze levensles gikkere jong van dea leeftied mer bijzonder dat dit vuur ozze jong zoë maag zie. En vier als sjtolse ouwesj genieten vanaf de zieleing mit um mit. Alaaf!

D'r Rob & 't Nikky

## Ing sjtolse prinsemam

Wat bin ich sjtols um de mam van d'r prins van dit joar te maage zië. Inne dreum van d'r Colin kump oet maar dea dreum betrift mich och. Wie d'r Colin kling woar zag hea ummer al dat hea prins wool weade. Wie hea de communie doog en ich vroog wat hea geer zou höbbe, woar 't antwoord ummer hetzelfde. Zie antwoord woar ummer: 'Nieks, wen se maar zurgs dat ich prins bie de Geete maag weade. Went v'r bie 't Anja in de Koetsch koame, zag d'r Colin dat hea waal zoë prins wool weade, wiezend noa d'r Ivo als smoekeprins Ich woar mar alling en heij 't nit zoë breed en doarum zag ich dat hea zelf och hel mit moos sjpaare. Dat heij ich nit teage d'r verkieëde gezag. Mit d'r Sinterkloas, de Krismus, ziene verjoardig zag hea dat hea alling maar centjes wool. Zelfs opa en oma wooste precies woa die vuur neuëdig woare.

Went hea op kamp of sjoelrees ging, koam ummer mië wie de helft van zie zakgeld mit teruuk. Hea is dan och in seizoen 2009/2010 jeugdprins gewoëde van de Geete in ee sjmoekepak. Doa hant vuur allebei ontzettend van genoate, vuural um bie de Geetefamilie te mooge huure.

Hea woar nog nit als jeugdprins aafgetroane of hea dreumde d'r alweer van um groëte prins te mooge weade.

Vanaaf zie jeugdprinsenschap hat hea verschillende taken op zich genoame. In 't begin woar dit alling 't op- en aafbreake van d'r zaal bie feestaovende. Noaderhank koam doa och d'r road va 11 bei, saame mit d'r opa. Vuur licht en geluid in d'r zaal en op d'r waage is d'r Colin och ummer te vinge, Mit hoot is hea och erg hendig, hea had dan och de scepters gemak, d'r nuije Geetesjtal en gank zoë maar durch.

Sinds enkele joare is d'r opa d'r helaas nit mië en doarum hat d'r Colin de taak van koetsier van de Koetsche Grüskes uver genoame. Hei bin ich natuurluk erg sjtols op en ich weet zieker dat opa en oma dit och zouwe zië.

Hea hat lang motte waade, och durch dea hoare corona. Ich heij nit mië verwaad dat 't zou lukke, maar de Geete sind hem nit vergeate. Hei bin ich natuurluk och erg dankbaar vuur. D'r opa en de oma kenne dit jammer genug nit mië mitmake maar ich weet zieker dat ze van boave mit geneete, d'r Colin wit dat och.

Saame mit zie Jolijn gont vuur d'r dit joar gans vuur en geneete van alles saame mit dizze sjun Geetefamilie. Ich wunjs uch maar vuural Prins Colin I mit zie Jolijn saame mit d'r Jeugdprins Sem I ee geweldig seizoen.

Ing sjtolse prinsemam



## Ee groeët deerefes!

Doa woar ins ing kudde geete die bekank woar um hōar köppigheid. Ze houwe ing sjun weij en houwe 't mar get druk mit zichzelf. "Vier zint de beste deere!" reepe ze. "Vier hant sjterke hōare, zint sjlauw en kinne uuveral op klumme. Vier hant ging anger deere nuuëdig". De kuij die in de weij neëve hun sjtonge probeerde vrundlich te zieë: "Koom beij os in de weij danse" en de honder in d'r sjtaal get wieërop nuuëdigde de geete oet um ee lekker eijke te koomme eëte. Zelfs de verkes van d'r prang Kwieëketekiebes die zagte "koom saame mit os in d'r pratschpool rulse". "Danse? In d'r modder ligke? Vier dunt nit mit an die gekkigheid. ....en eijer luste vier al gaar nit" reepe de geete evver truuk vanoët hun eege weij.

Zoeë ginge de daag vuurbeij bis dat op inne gowwe daag d'r prang Kwieëketekiebes ee groeët weijefes goof vuur alle deere oet g'n durp, mit drinke, voor, moeziek en inne groeëte berg huij. De geete koeëte evver nit d'r oetkoomme worum ze doahin zouwe motte goa. "Vier hant heij ja alles wat vier nuuëdig hant". Wie 't fes evver good en waal an de gang woar, woeëte ze toch waal ee bietje nuijsjierig en koeëte ee paar geete 't nit loate um toch ins te goa kieke. Ze zooge kuij danse, honder die va links noa rechts vlooge en verkes

die op d'r rugk in d'r pratsch looge en zich kapot lachte. Doa woare zelfs ee paar sjōap die hingeree aa leepe graat als of ze ing polonais leepe. "Zouw 't doa leuk zieë?" vroeg inne van de jonger geete. "Neë natuurlik nit", mar erg zieker klonk 't nit wie ing anger geet antwoad goof.

De anger deere houwe ongertusje gezieë dat de geete vanoët hun weij an d'r droad sjtonge te kieke en reepe allenuij "koom mitdoeë geete"! Twiefelend en zich ongeree aakiekend kroope de geete doe op ee gegeëve moment vuurzichtig ee vuur ee onger d'r droad durch. leësjjtonge ze nog ee bietje onhendig an d'r rangk van 't weijefes te drieëne, mar al sjnel houwe ze in de gaate dat 't toch waal sjpass makt um mit de anger deere saame fes te viere. Binne de kotste kieëre looge de geete in d'r huijberg, sjmeete ze mit 't huij noa de honder en rende ze mit de kuij en anger deere durch de weij en d'r pratsch.

An 't ing van d'r daag woare de geete kapotmeuch mar vroë. "Misjien houwe vier 't wal nit beij t gowwe ing" zag ing geet. "Mit die anger deere is 't eegelijk och good sjpass maake". Vanaaf deë daag aaf woare de geete noeëts mieë ing kudde apart, mar maakte ze deel oët van ing vōal groeëtere, vroë en oëtgeloeate deerefamilie.

## Os Prinse

Ozze verein, de Geete oet de Grunsjtroat, hat wer zieng prinse oetgeroope, D'r groëte en d'r klinge prins hoofden bij de proklamasie neet wiet te loope. Onger sjun sjandaal van sjpasskapel HerrieMonie woëd d'r Geetesjtaal oape gemak Ut volk dat schjreide en dat zong bei ut aansjouwe van ut tweeëtal in hun sjtolse pak. Mit Bargoenjse klanke reep president Wesley d'r Colin en d'r Sem noa vuure, Links en rechts in d'r zaal woa de vraag: *wat zaeter?* te huure.

Ut antwoad woar sjnel gegeave; *"wenste mich versjtees, dan kal ich plat"*

Oane wiechtige weüd, woa ginne get van sjnapt en ginne get an hat.

*"Veer hobbe de prins in de sjtraot"* klinkt wie elk joar wer alle vasteloavendsdaage

En: *"dat zit bie os in de familie"*, kinne os prinse vol uüvertuiging zaage.

Want d'r Colin en d'r Sem hant mit papelepele van heem oet ut Geetegeveul ontvange.

Pap, mam, opa, oma, schjwester, broor, nonk en tant zint die tweeët al vuurgegange.

Gans vanzelf maake os prinse van elke daag inne daag wie *vandaag*,

Inne daag mit veul sjpass en vruid en gee gezeever of geklaag.

Op alle plaatsje woa ze koomme zinge ze: *"Heej bliëfik plekke"*,

D'r Herman mot dan erg zieng bes doë um ze op heem aan te trekke.

Mit sjpringe, hosse, ee bietje drinke en inne ganze breeje lach,

Benumme zie zichzelf zonger probleem tot de *kampioene van de nach!*

*De Groete oet de fieësttent* dunt ze vanoet de Grunsjtroat,

D'r Colin en d'r Sem hoate mit ut viere totaal ging moat.

Ozze hoëgheede gunt durch en besjtelle als echte *vrung*

Get lekkejs, *tot de allerleste rung*.

Zoë beleëve ze, saame mit os, sjunne en onvergeëtelukke daag,

Vier roope oet en bedanke os prinse mit ee krefftig "Geete! Alaaf!!!"

*In die schjuine wuënd hat ier misschien get bekints ondekt. Ut zint sjtuk vuur sjtuk winnaars van het LVK.*

*Op dis manneer wille vier uch alvas ee bietje vuurbereide op ut sjpektakel van volgend seizoen.*

*Ter ieëre van os jubileum weëd ut LVK dan in Landgraaf georganizeerd!!!*

## Jubilarissen



2024

1 x 11 joar

Kevin Bastiaens  
Mitchell Fransen  
Jacqueline Jeurissen  
Mark Peusens  
Bianca Simons  
Veerle Simons  
Lars VanderBroeck

2 x 11 joar

Patrick Eggen

3 x 11 joar

Ewald Bach  
John Borjans  
Ton ter Haar  
Wim Hanssen  
Leo Pelsers  
Patrick Ridder  
Andrew Simons

4 x 11 joar

Hub Erdmann

2025

2 x 11 joar

Jo Michorius  
Johnny Michorius  
Tijmen Snijders

3 x 11 joar

Leon Erkens  
Ron Janssen  
John Kölgens  
Marcel Speth  
Wim Vaessen  
Joepie Weijers



## Personeelstekot

Vakluu sint ja huutsendaags lestig te vinge. In de Grunsjtroat wete ze doa alles va, doa misse ze vuural vakvrouwluu. Vinge mar ins ing vakvrouw die heur tale sjprikt, Bargoensj, Grunsjroatsplat, Parksjtads en Hollonds. Ing die kin wervele, poje en kwieëste van 's murgens vreug bis 's ovvends laat oane mit de wimpere te knipere.

Ing die pas sjtopt went d'r letzte noeëke beroeëzer op kaaste aa sjpoort.

Ing die de historie van de gemeensjap kint en ziang tradities begriepen en umermt.

Ing die de haechter van alle vereins in de Grunsjtroat an zie hatz duijt en ongersjteunt.

Ing die ummer laacht och wen ze eegelik mot griene.

Ing die alle prinse onger heur vluëgele numt en gidder noëk waal wilt pütsje.

Ing die ging polonaise uuvversjleet och al hat ze pieng an de dreuët.

Ing die ummer oetziet um durch ee ringsjke te hoale och al driëgt ze nit d'r letste sjrei.

Nee, zoeng vakvrouwluu zint dun geziënd.

Ma wach ins effe....., wens doe vakvrouw dich hej in herkins meld dich da riepsj beij de Koetsche Grüskes van de Grunsjtroat.

PS: ZZP-ers (Zoepe Zwjatte Prieë) zint vanaaf januaar 2025 boetegesjloate.

## Nieuwjaarstreffen

Op 1 januari was het weer zover het jaarlijks terugkerend evenement georganiseerd door onze oud Prinsen van V.V. de Geete oftewel onze Prinseroad. Een belangrijke groep van onze mooie vereniging. Dit jaar wederom gehouden in café de Koetsch. De gelieerde groepen van V.V. de Geete waren zo sterk mogelijk aanwezig. De Raad van Elf ( deze dag met 7 personen) geen afmeldingen dus, de Koetsche Grüskes (deze dag met 5 van de 7 dames) 2 afmeldingen. Overigens weet U dat de dames nog versterking zoeken. De KG trekt op Auw Wieverdag er altijd op uit. Ze zijn ons uithangbord en worden overall grootst ontvangen, iets voor dames welke V.V. de Geete een warm hart toe dragen, dus spreek eens een Grüske aan voor informatie. Misschien iets voor U. Ik heb leden van de Herremonie gezien, een mooie delegatie van de Mei-jongens Groenstraat met hun Meikoningin en uiteraard de Prinseroad zelf (deze dag met 12 personen van de ??) een aantal afmeldingen dus. Het gesjtiechel kon weer beginnen. Het is nu gemakkelijk om te zeggen dat de Raad van Elf geen afmeldingen had en de Prinseroad wel, dat het tenue bij de Prinseroad soms verschillend was gelet op het schoeisel wat een Oud Prins droeg en niet zwart van kleur was maar een kniesoor die daar op let. Nee dit jaar was anders. Er was geen gesjtiechel en er hing een goede en gezellige sfeer. Onze oudste lid van zowel de Prinseroad als van de Raad van Elf, dhr Sjef Honings, was aanwezig en het was hartverwarmend hoe hij door de Prinseroad begeleidt en geholpen werd. Het was dan ook geweldig om Sjef weer te zien.

Deze dag stond naast iedereen het beste te wensen voor 2025 ook in het teken van het uitreiken van de Orde van Verdienste, dit jaar aan dhr. Kouwenberg.

Jos P nam het woord en de reden waarom Bert de Orde ontving werd voorgelezen. Niet omdat Bert heel goed met cijfers kan om gaan maar vooral omdat hij zich vele jarenlang heeft ingezet als vrijwilliger voor verschillende verenigingen. Bert heeft zijn steentje meer dan bijgedragen op zowel sportief als bestuurlijk gebied. Chapeau, op zulke mensen drijven verenigingen en daarom heeft Bert de Orde van Verdienste dan ook dik verdiend. Gefeliciteerd namens de gehele Geete familie. Okay toch even sjtiechelen. Als U dit stukje leest en denkt waarom niet in het Limburgs en kan hij nog steeds geen Limburgs praten of schrijven (gelukkig kan ik het allemaal wel verstaan), heeft U helemaal gelijk maar was u afgelopen 1 januari niet in de Koetsch? Dan hoop ik u op 1-1-2026 daar te mogen begroeten omdat naast een geslaagd evenement, welke georganiseerd wordt door een geweldige groep mannen waar wij als Geete familie trots op kunnen zijn .... De Prinseroad van V.V. de Geete, ook een mooie gelegenheid is voor ieder Geete-lid, mensen die de carnaval een warm hart toedragen om elkaar persoonlijk de beste wensen over te brengen en dat alleen niet alleen digitaal. We moeten blijven de verbinding te zoeken in deze snelle wereld welke bijna alleen maar op de telefoon / internet wordt doorgebracht. Persoonlijke contacten blijven zeer waardevol.

Groet Herman  
a.k.a. Ajudant a.k.a. de Hollender



**•WANTED•**

EE NUIJ GRÜSKE

ZJWAT KOSTUUM | GEETE HATS | SJPASS & PLEZEER

INTERESSE GEWEK? NUM DA CONTACT OP MIT  
★★★ KOETSCHGRUSKES@DEGEETE.NL ★★★

*Sjietegaal wat dit bledje kost  
Ich bin ginne penningmeester  
dus ich lot dat hieëlemaal los*



## 4 Sjtiekilverke

Ig dink, trampel ins noa dea nuije tatooshop in de Grunsjtroat en leep langs der bazaar van 't Roos en sjtook der Europaweg vuurzichtig queer uuver. Ig keek goot noa links en noa rechts. Want heij most te oppasse, doa broeze de autos erop en eraaf wie gekke. Bin graat mit veul geluk aan ginne kank beij der Simons Paul aagekoame, vool ig mig in ee deep loak. Ig weet nit wie deep dat loak wor, mar ig makde inne flinke sjmak? Enigszins beniëveld loog ig op der ruk in dat loak en zoog veer bezjwitte köp van openbare werken, leunend op huen platte sjup. Die keeke mig van boave ronk dat groëte loak verbaasd aa en schlooderde mit hun köp. "Jong, jong, jong"! Noa lang hin en heer gedispeteer, hant ze mig evver vuurzichtig mit ing platte sjup oët 't loak gehold. Boave op de begane gronk koam ig enigszins bei zinne. "Had je dat look niet gezien?" zaat inne mit ee Heëlsj accent, zjwoar leunend op der sjupesjteel, dea durg ziene uuverhangende dikke boëk bow uuverbrook. Ig woët wus en goof em va katoën: "Doe hornoks, doe uuvergeloop Winkbuul, wie hold ze 't dig in der kop om heij werm ee loak te grave in de prinse allée van de Geete.?" "Ruijig, ruijig, doe sjtiekelvot", zaat inne mit der reenste overal aa. "Bis vroë dat ze nog alle sjtiekele has. Vuur hant dat loak gegrave um heij ing hoofdaansluiting bloët te legge. Heij sjluut de riolering va Woabich op die van de Grunsjtroat aa en vuur de zoëvulste kiër is er werrum ee lek. De gemeente wil nit dat die putlof va Waubach de Grunsjtroat geet bezoedele. Geete lof is gow lof mit veul zuursjtof en die mots te nit minge mit Woabigger Bök lof. Sjnoef maar ins, da ruuks te ze al". Hea how 't nog nit gezaag, of ig rook 't al en gong vlot op d'r sjtoeprank zitte, om beij te kome van dea penetrante geur. Mieng stiekele woëde al sjlap en de troane leepe mig uuver de bakke Bah, bah wat inne ruuëk. Gelukkig woët et lek vlot gevonge en vakkundig tow gemakt. Ronks erum woëde hekke um 't loak gezat, zoëdat ginne mië dri zow valle. Dea flinke hoop drek van 't loak woëd afgeveurd, dea wor zjwoar verontreinigt durg die Böklof. Noa ing weak kom reene drek. 'T loak woëd goot towgeworpe, klinkers drop en goot aageklopt. In de Grunsjtroat kank me werrum mit ee gerus hats deep oam hoale, zoëdat de Geete mit hunne Prins Colin der iësjte gezonk en mit veul alaaf de carnaval va 2025 kanke ingoa. Et sjtiekelverke

## Doa hoemt ee krüts in d'r melm...

De haechter die noa de sangs gesjielt zint hant ut al geloeënst... Op d'r eck van d'r Sangskeiet en d'r Maastrichterkeiet hoemt ee krüts van d'r sjnoevet van d'r grannige Haech. Grannig jemkes geleie hoemet doa och al ee krüts, maar dat is woof kieër joes jemkes geleie verdoeftet. Op die plaatsj is in 1825 inne noeëk mol gesjielt, d'r Jacobus Pelzer. Dea noeëk woar inne rögelsnoeëk dea mit zuudvruchte röggelet. Eegelik woar dat dus inne noeëkeberoeëzer. D'r Bargoensjkloep drajjet in 2021 kintig en kief jemkes aod. Um dat te viere en dea noeëkeberoeëzer te ieëre hat ut Keieskwieëste dat krüts gefreënst. De haechter van de feelboj hant os geflikt of vier dat krüts in d'r snieëpse melm wool drajje, woa de krikse-buegelsboj van d'r Freed en later d'r Flip gesjtange hat. Os haechter zint gruütsj drop en hoape dat dea melm, mit de beis hoemmete, ut krüts en de pueke hoterikke en floskele ing richtige pueke plaatsj drajt woa de haechter oet ut roeëmsj prames kanne hoemme, kwieëste en grieëmele...lotte os haechter ut in ieëre hoate...

## CV de Kejelbolscher doen het weer

De problemen beginnen als 4 jaar geleden de beruchte kejelbolschers hun intrek nemen in t stroatje. Ze kapen een avond van de vasteloavends verrein de geete weg. Wat er achter blijft is confetti, lege biervaten en een ravage. Ze vluchten naar het klooster van Rolduc en blijven een jaar lang ongezien. De Groenstraat haalt opgelucht adem en pakt hun leven weer op. Tot een jaar later de dan vermomde kejelbolscher zich weer laten blikken als misdienaren. Maar wat blijkt de straat verwelkomt ze met open armen en samen volgt een feest dat nog lang in mensengeheugen blijft. De ooit zo beruchte bende is in eens wereldberoemd in de Groenstraat. Maar de handen blijven jeuken

## Doa sjtee ee krüts in ut parkje...

De luuj die noa de kirk zint gewea hant ut al gezieë...op d'r eck van de Kirksjtroat en d'r Maastrichterweg sjteet ee krüts van d'r Jezus. Lang geleie sjtong doa och al ee krüts, maar dat is zestig joar geleie versjwoende. Op die plaatsj is in 1825 inne maan gesjtorve, d'r Jacobus Pelzer. Dea maan woar inne reezende handeleer dea mit zuudvruchte handelet. Eegelik woar dat dus inne bargoensj-sjpreëker. D'r Bargoensjkloep woar in 2021 vief en twintig joar aod. Um dat te viere en dea bargoensj-sjpreëker te ieëre hat ut Keieskwieëste dat krüts gemakt. De luuj van ut gemindehoes hant os gevraagd of vier dat krüts in ut nuuje parkje woole zette, woa de garaasj van d'r Freed en later d'r Flip gesjtange hat. Vier zint stolz drop en hoape dat ut parkje, mit de twieë benksjkes, ut krüts en de sjun beum en blomme ing sjun plaatsj wead, woa de luuj oet ut dörp saame kanne zitte, moele en laache...lotte vier ut in ieëre hoate.

en al gauw valt de bende terug in hun oude gewoontes, bier drinken, achter sjerpe pony's rennen, saloons onveilig maken. Het laatste wat we van ze hebben vernomen is dat ze zich schuilhouden in het wilde westen van de de Greenstreet. Zouden de kejelbolschers komend jaar weer terug naar de Groenstraat trekken? Moeten de paarden op stal worden gezet en de biervaten worden verstopt? Wie het weet mag het zeggen. De bewijzen zullen 12 april voor zich zelf spreken met muzikale begeleiding van niemand minder als: Erwin, Don Duo, Henk en Ton, Marjolein Heijltjes, Patrick Pesch, Frans Theunisz en de Coronas. Tot zo ver dit verslag uit de beruchte Groenstraat.



*Ich han da waal sjtieëkele en inne dieke nak  
Mar wead evver och ins gear in d'r erm gepak*

## 't Elisabeth weëd 100 !

,T Kin uch nit ontgoa zieë, os eege fanfaar St. Elisabeth besjteet dit joar 100 joar!

Dat is vazelfsjpreëkend inne mijlpoal deë vier nit zoeëmar vuurbeij kinne lotte goa en doarum wil ich uch ff mitnumme durch os jubileumjoar hin. Zieëker och umdat d'r inne sjerke band is tusje VV de Geete en de fanfaar, gezieë de Prinse en ee groëet deel van de sjpasskapel die de fanfaar lieëvert of gelieëvert hat.

In d'r december vurrig joar zint vier os jubileumjoar gesjart mit inne druk bezochte krismaat in en um 't Ströatje en vurrige weë hant vier mit ee gesjlaagd Dreikeüningeconcert al ins vuurzichtig vuuroet gekieëke noa de vasteloavend.

Pinkstermondig hoate vier os jubileumreceptie woa vier minnig jubilaris, woa onger och Geeteleede, zalle huldige. Doa zint d'r beij die al mieë wie 50 joar lid van de fanfaar zint, wie sjiek is dat da wal nit!

Op ozze oprichtingsdatum, 29 juni, geëve vier ee groët jubileumconcert op d'r kirmesplei in de Grunstroat, saame mit bouw 200 anger blöazere en zengere.

Doanao, op 23 augustus, went de Rochuskirmes is, hant vier ee sjun weijefes op de Rimburchhoeve, woabeij vuural d'r noadruk ligk op (en noe koome ee paar sjieke wöad) cohesie, inclusie en interactie tusje oad en jongk, krank of gezongk. Op deë daag vilt in gidder geval vuur gidderinne get te beleëve.

Als letste hant vier dan nog op 15 november 't soavends ing reünie woanao vier 't sdaags d'r noa op ozze traditionele Elisabethdaag os jubileumjoar aafsjeete.

Vier hant genug te viere en te fieëste de koomende tied wie ier kint leëze en vier vinge 't sjun went vier uch heij of doa welkom maage heete.

Groete van inne ouwe (Stads-)Prins en lid van VV de Geete!



## Sjtiekelparade

Woost ieër dat.....

1. Ut LVK volgend seizoen os plening in d'r weag zit, de jubileumreceptie missjien waal in ut festpaviljoen van dea kloep geoade mot weade?
2. Sommige Elveroadslede wal erg sjtrak in 't pak zitte? En D'r Rody mieë jasse hat wie bokse? D'r Elveroad zich doa um mot besjeure?
3. Versjillende vrouwluu 't jammer vinge dat d'r prins al samewoeënt?
4. D'r Blokker is umgevalle mar os Roos nog ummer uuverend bliet?
5. De geminde bej de kruutsing Kirksjtroat Maastrichterlaan een park hat aagelach. Dit park bedoeld is vuur de ronkgank va ozze prinse en d'r eleveroad?
6. Bej dit park ee kruuts is opgerich. Urgens angesj och een sjtandbild weëd opgerich, mar dat is een anger verhaal?
7. Beij d'r entree in 't Stroatje gepind kin weade? Wim ozze geldmaat is? Hea ginne geële antzog wilt?
8. D'r bekker van de Grunsjtroat mieë reest wie zien deeg?
9. Vier op carnavalssamstig veuël poefelee hope te sjtrikke?
10. Ozze Sem I ziang eege fotos's deed laike, hea doa erg op Kleinduimpje liekt?
11. Prins Colin I, mit geluid en lich good uuverweag kint mar 't zinge uuver liët an 't Lolin?

## Dank aa ozze sjponsore

De Geete maage zich wer gelukkig prieze dat zoë veul luuj bereid zint um os te sjteune mit euro's en praktiesje produkte. 'T zou ee sjtuk lestiger zin um alles te organizeere en de aktiviteite op de bühne te bringe oane deë inbreng. Op 't schjirm in d'r zaal kint gier, bei de oavende, zië wie veul bedrieve zich betrokke veule bei d'r vasteloavend in de Grunsjroat.

Van ZZPjers tot "MultiLandgravers", alles deet mit. Doarum ee groët woad van dank aan ozze sjponsorvrung en vier hoope dat ze os in de koomende joare blieve helpe.

## Woad va d'r vuurzitter

....en da weëd mich gevraagd of ich als vuurzitter och ee sjtuksjke wil sjrive.

Als ieësjte wil ich zaage dat ich gans vroeë en sjtols bin mit wie vier 't aafgeloopse seizoen um zint gegange mit 't gegeëve dat vier noa gans lange tied d'r Sjtadsprins va Landgraaf wer oet de geleedere va VV de Geete hant maage lieëvere.

Mar dat wil gaar nit zaage dat ich minder vroeë en sjtols bin op ozze nuije Prins en Jeugdprins. Prins Colin I en Jeugdprins Sem I regeere da misjien graat in ee seizoen woa vier tusje Sjtadsprins en JubileumPrins in zitte, mar zie verdeene graat zoeëvöal aandacht wie alle Prinse de aafgeloopse joare gehad hant en de koomende joare nog gunt kriege. Ich verrouw d'r op dat os Prinse ee seizoen kriege um noeëts te vergeëte en woa in zie, als de heersere uuver 't Geeteriek, volop kinnen geneete va alle aktiviteite en geweldige optochte maage beleëve.

Doaneëve sjpreëk ich als vuurzitter d'r wunsj oet dat vier mit ozze vereen wieër kinne goa zoeë wie vier dat de aafgeloopse jaore gedoa hant en dat de gemeenschap tusje al os geleding alling mar bliet gruije.

Sjpesiaal wil ich heij och nog effe d'r aandacht vroage vuur 't kunswerk dat dit jaor beij de öpening van 't Jubileumseizoen onthuld geet weëde. 'T maag gee geheim zieë dat dit de nuudige köste mit zich mitbringt en went d'r luuj of bedrieve zint die heij geer ing beidraag aa wille lievere, dan kinne die zich melde beij mich of inne va de anger besjtuursleede. Alvas bedank doavuur!

Ter aafsjeeting wil ich nog ee woad va dank oetsjpreëke an alle luuj, va jongk bis oad, die VV de Geete ee werm hats tow draage en os doa woa nuudig helpe mit alles wat mit VV de Geete te maake hat. En ier wit.....went ier ideeje hat uuver wie vier dinger beëter da waal angesj kinne aapakke of went d'r probleeme zint, blief d'r nit mit loope mar sjpreëk mich aa zoedat vier druuver kinne kalle.

Ich wunsj uch allenuij ing sjun vasteloavend en sjeet aaf mit 3 moal ALAAF;

Con Weijers. Vuurzitter

*Als sjtieëkelverke kin ich hej alles kwiet  
Want volgens 't IVN krien ich toch mit ginne sjtriet*

## Bert Kouwenberg Orde van Verdienste 2025


Vuur uch sjteed d'r Bert Kouwenberg, geboore op 17 september 1953 en opgegroeid in Vols. Noadat d'r bert de liegereschoel had durchloope in Vols ging hea sjtudere op de MULO en vervolgens durchliere vuur assistent accountant. Want ut bleek dat d'r Bert aanleg hei vuur cijfers. Eenmaal an ut wirk lierde hea op zie wirk ut Hilde kenne, dat woar namelijk och assistent accountant bij de NAM.

Als assistent accountant had hea tot an ziang pensioen bij Deloitte (en Touche) gewirkt.

Mer Woabich bloof d'r Bert en Hilde gans erg trekke, want ut Hilde Benedic kwaam oet d'r Bösch. In Landgraaf hubbe ze och saame gans get gedanst in dancing Schiffelers/SOHO in Neujehage.

In oktober 1977 hant ze de woening op de sloterstraat gekoch en op 15 december 1977 zunt Bert en Hilde getrouwd vuur de wet. Mer omdat ze noch hel an ut wirke woare aan de woening en noch vuer de kirk gonge trouwe is ut Hilde bij d'r Pap in d'r Bösch blieve woene. Wen d'r Bert ins bloef sjloape moet dat op de bank.. want ze woare nog nit getrouwd vuur de kirk. Dat hubbe ze ee hoof joar volgehewe, op 12 mei 1978 zunt ze vuur de kirk getrouwd. Vanoet d'r pap van Hilde zunt ze ingetrokke in de Sloterstroat woa ze tot op dr daag van huu woene, en d'r Bert tot op dr daag va huu waal boave maag sloape.

D'r Bert woar inne ferfent voetballer, eind joare 70 werd hea lid van de Waubachse Boys, al snjel werd hea jeudtrainer, menig junkske had les van d'r Bert gehad. En van ut ee kwaam ut anger, snel werd hea gevraagd om neaver de lijn och op en neer te renne als Grensrechter of in ut veld flink te renne als scheids. Als hea oetgerend woar koos se d'r Bert vinge bei de hekwerke, de gebouwe, ut graas, de lijnen en alles wat mer te maake hei mit 't onderhoud want hea woar och lid van de onderhouds-commissie van de Boys. Mar van dat geren uuveraal kries se doesj... veul doesj... dus woar d'r Bert natuurlijk och te vinge in de kantien, nit alling aan de bar vuur de derde helft mer ooch als lid van de kantiene-commissie van de boys. Nit mit alling inne groete voetbaal woos d'r Bert road mit, mer och mit ganse klinge bolkes, hea woar och betrokke bei ut kiene in dr Sjtee Uul. Mit ziang financiele achtergrond is ing rol in ut bestuur als penningmeester natuurlijk ut zelfde als ee en ee is twee.. en werd d'r Bert penningmeester vuur de kantiencommissie en och vuur de veren werd hea penningmeester. Beginjoare 2000 kwaam d'r ing fusie van de Waubachse Boys en VV Waubach doa



makte hea deel oet van de fusiecommissie. Wie doa UOW02 oetkwaam is hea doa och ing tiedje penningmeester gewea. Nit alling langs de lijn had d'r Bert gerend mer och flink achter d'r baal als spieler van de veterane.

D'r Bert is nit alling sportief in ut gezin, de kinger ginge turne bei D.E.S. en dan bis se als pap natuurlijk och bei de westrijden van de kinger, en als se natuurlijk vaak doa bis gunt ze dich vroage of se och wils helpe, en wie d'r Bert is, wilt hea altied geer helpe. Hea woar dan al snel te vinge om bij wedstrijden of diverse angere activiteiten te helpen. Als se vaak helps, vroage ze dich al snjel vuur nog miee dinger... hea werd begin joare 2000 al lid van de beheercommissie van GV PHDES, doa is hea nog altied lid va. In die zelfde periode is hea doa och beheerder vuur de contributie gewoade vuur de senioren.. want... d'r Bert is zoals ier al durch had good mit cijfers. Sinds de Fusie dit joar is hea doa benoemd tot ierelid van dr veren.

Och als Trotse Opa woar hea te vinge bij SVPHDES, als dr inne wedstrijd woar, woar hei van de partij, ut Fleur had de gene van Opa en Oma, want dat is inmiddels och hulp trainster bei SVPHDES woa ut och zie steentje bijdraagt.

Neaver vaste bezoeker te ziee van ut Stroateje woar Bert och waal ins te vinge in dr Sjtee Uul doa woar ut... ier maag ut drie kieer roane... penningmeester van de beheerstichting van dr Sjtee Uul. Ut is nit alling sportief wat de klok sjleet bij de familie Kouwenberg.. nea, want och vasteloavond is ee belangrijk ongerdeel van dizze familie. Nit vuur nieks is d'r Bert al 34 joar lid van os Geete. In die 34 joar had hea och binne ozze veren ziang steentje bijgedraage. Joare lank is hea optocht-commissaris gewea namens ozze veren en had hea menige meter geloape tijdens de optochten, zelfs noa dat hea oet de commissie woar probeert hea ziang steentje nog bij te draage.

Och is dr Bert joare lank road van 11 lid gewea, ziang hoogte punt doa bei woar waal wie ziene zoen prins van de Geete werd. En... tja ut weurd waal inne groete roeie droad... is d'r Bert och penningmeester gewea bij de commissie van de Sporthal weekenden die de Geete organiseerde.

Neaver ozze sjunne vasteloavondsveren is hea nog lid gewea van ing angere carnavalsveren, de Parkstad Böck, doa woar hea ing van de medeoprichter va en woar hea doa een aantal joar President en lid van de road va 11, dat huu hea natuurlijk gelieerd bei de Geete. Vuur al ziang verdeenste is d'r Bert op koningsdaag afgeloape joar beneumd tot Lid in de Orde van Oranje Nassau. Zoals ier allemaal kint huure had dr Bert zich al sinds de joare 70 ingezet vuur diverse verenigingen, doavuur had de Prinse road van de Geete gemeend d'r Bert te decoreren als lid van verdeenste van dr Prinseroad van de Geete.



*Geduld han vilt mich soms erg zijwoar  
Mar ich vruij mich sjतिकem toch al ee gans  
klee bietje op os jubileumjoar*